

**Saturday, April 18, 2026**

**Time - 2:30pm - 2:35pm**

**AKASHVANI AIZAWL  
REGIONAL NEWS UNIT**

**REGIONAL NEWS BULLETIN  
(MIDDAY)**



## SEC

Aizawl Municipal Corporation inthlan campaign tawp ni vawiin khan political party hrang hrang ten Aizawl khawpui chhungah uar takin mipui vote an zawng a,

State Election Commissioner Dr Lalthlanglana chuan naktuk tlai dar 5-a Campaign tawp hun Silent Period chu voter ten rilru fim tak hmanga ngaihtuahna an sen theih na tur atana tih a ni a ti a. Silent Period chhunga campaign chu voter te zahlohna anih thu sawiin Political Party hrang hrang te chu hemi laka insum turin a ngen bawka ni.

State Election Commissioner Dr Lalthlanglana ho hian nimin khan Political Party hrang hrang hruaitute bakah Mizoram People Forum hruaitute, DC, Aizawl, SP, Aizawl leh Official pawimawh dangte an tel a, vote thlak ni atan venhimna pawh uluk taka kalpui a ni dawn tih sawiin ruahman dan chuan April ni 21-ah Police 657 an Duty dawn a, engkim tluang taka a kal theih ngei a beisei thu a sawi a ni.



## ZPM

Chief Minister Pu Lalduhoma chuan 15th Finance Commission in a thlawna AMC dawn tur kum 2024-25 leh 2025-26 chhunga mi cheng khat mah haichhuah a lo ni lo chu pawl a tih thu a sawi.

Vawiina Aizawla Vanapa Hall kawta Street Campaign kharna hun an hmanah he thu hi sawiin Chief Minister chuan AMC lam hian budget-ah pawh an sum hmuhna hnar lian ber chu an rawn dah lo tih a sawi a. An nawr chhuah zawh loh an hlau nge an sorkar a zo tep tawha ZPM hman mai mai tur an tih vang nge tih chu an nawr loh chhan nia a rin a nih thu a sawi a.

Sorkarin an dinhmun a belhchianin sum hi an dang lo tih a hre chauh tih sawiin a dik loa an lo tih avangin Delhi in an lo phal lo tih a sawi a. Sorkarin siamthat an dil nghal thu sawiin hun chep tak karah 2024-25 First Instalment chu Financial Year tawp hma ni 4 ah, thla hmasa ni 27 khan cheng nuai 1,488 an la chhuak thei tih a sawi a. A tukah 2nd Instalment buaipui leh nghal char charin 2nd Instalment cheng nuai 1488 chu an hai chhuak leh a, 2024-25 a dawn tur chu a kim ta tih a sawi a. 2025-26 chhunga dawn tur an haichhuah leh hman ringin theihtawp an chhuah leh tih a sawi a. Financial Year tawp dawn zan minute 20 chauh a la awm tihah 2025-26 first Instalment cheng nuai 1,526 an haichhuak leh hram tih sawiin 2nd Instalment chu kumin a liampui ta tih a sawi a. AMC Sorkar thar ding tur chu AMC sorkar awm tawh zawnga hausa ber an ni dawn ta tih a sawi a ni.



## MNF

MNF General Headquarters Treasurer Pu Lalruatkima chuan Aizawl Municipal Corporation-ah sorkar ngelnghet din turin candidate an neih that ber tum a ni a ti.

Vawiina Aizawl Press Club-a MNF party in chanchinbumite an kawmnaah he thu hi sawiin Pu Lalruatkima chuan a candidate zingah AMC Corporator lo ni tawh te, sorkar, kohhran, kohhran thalai leh sport bakah NGO hrang hranga mi tha tak tak, Zoram thalaite entawn leh ngaihsan rawn te an nih hlawm thu a sawi a. Mipuite chu vote vek turin an sawm a ni.

Pu Lalruatkima chuan AMC inthlanah Mizoram khawpui sawn duh leh duh lo buk an nih dawn tih a sawi a. Sum lamah pawh ZPM sorkarin leiba a ngah hle tih sawiin budget session hnuhnung bera leiba chu cheng vbc 19,085.15 a nih thu a sawi a. Sorkar budget pumpui cheng vbc 17,076.92 aiin cheng vbc 2008.23 a a tam thu a sawi a. Sorkarin sum an ti lapse nasa a, Lunglei Municipal Council sum chu Financial Year 2024-25 leh 2025-26 belhkhawmin cheng nuai 1869.92 bakah Aizawl Municipal Corporation sum cheng nuai 1526.60 an tih lapse thu a sawi a. Sorkar chu financial management-ah an hlawhchham thu a sawi a ni.

Pu Lalruatkima chuan ZPM sorkarah eirukna leh hlemhletna a hluar niin a sawi bawk a chhiah leh bill a pun nasat thu leh mipuiaah erawh sum a van thu a sawi a. Mipuiin sorkar health care scheme kalpui mek MUHCS an thlawp lo a, tun thla ni 14 thlengin mi 29,472 chauh an la inziaklut tih a sawi ni.



## **POSHAN PAKHWADA**

Tukin khan Aizawl MINECO Open Gym tualzawlah Women & Child Development leh A-City Run Club buatsaihin Poshan Pakhwada 2026 - 'Run For Nutrition' Marathon buatsaih a ni a. Mi 624 an tel a ni.

Marathon intihsiaknaa tel zawng zawng ten hrisel nan ei leh in tha leh thianglim ngai pawimawh turin thu an tiam a. He thutiamna hi Pi Zoramthangi Chhangte, Director Women & Child Development chuan a kaihruai a. Chumi zawhah Pi Zonunthari Joint Secretary, Social Welfare, Women & Child Development in participant-te a vailiam a ni.

He marathon hi category 3-a intihsiak niin WOMEN CATEGORY (Open), MEN CATEGORY (Open) LEH SUB JUNIOR CATEGORY-ah te intihsiak a ni.

